

fit, tam varium effectum producat; varia-
que adeo remedia & artem medendi postu-
let, quantum brevitatis hic necessaria per-
mittit, eum recenseri necesse est.

ANGINA AQUOSA.

791. **A**ngina aquosa, oedematosa, ca-
tarrhosa tenuis, est impedita,
vel dolens respirandi, vel deglutiendi exer-
citatio, cum tumore lymphatico partium,
quibus illa fit, vel vicinarum.

792. Habet ergo, ut caeterae aquosae
colluvies, sedem in parte glandularum, u-
bi reconditur atque excernitur secreta ar-
teriis lymphs.

793. Ergo pro causa agnoscit quidquid
exitum liberum lymphae impedit: eorum
vero est numerus ingens, & diversitas. Com-
pressio venarum quaecunque, in quas forte
earum glandularum emissaria se evacuant:
obstructio nata in ipso folliculo glandulae
a gypso, pituita, lapide, fungo, & similibus
ibidem enatis; obstructio facta in ipsis emis-
sariis a causis ei dem; compressio eorumdem
locorum; frigus finibus excretoriorum
meatum applicatum; debilior humorum
circumactio.

794. Effectus talis mali sunt, tumor a-
quosus, albus, frigidus; vicinorum com-

M 2

pres-

pressio; impedimentum functionum, quae a non compressis pendebant.

795. Hinc signa diagnostica (791. 792. 793.), & prognostica (794.) facillime patescunt.

796. Curatio autem hic peragetur iis, quae 1. causas obstruentes resolvunt, movent, aut rodendo, vel secando tollunt. Huc spectant emollientia, aperientia, laxantia, forma fodus, cataplasmatis, gargarismatis, injectionis, collutorii, vaporis, applicata; tum frictiones; caustica; scalpellum. 2. quae copiam lymphae, per opposita loca evacuando, minuunt: quod fit apophlegmatismis, vesicatoriis, sudoriferis siccis externis, internis, diureticis similibus, hydragogis per alvum. 3. abstinentia ab liquidis, victu calefaciente, exsiccante. 4. augendo vim circulationis per remedia nota (98. 99.).

ANGINA SCIRRHOSA.

797. Si vero glandulas descriptas (788.) scirrhus, & multum increfcens tumor occupavit, signis scirrhii (392) cognoscitur; atque ex noto ejus situ futura angina praevidetur, nata vero perspicitur; tum si extirpatio possit fieri, ea sola remedio erit tuto, aut in internis circa fauces corrosio multa cum prudentia tentanda.

AN-